



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Consultationes Theologicæ Et Spirituales Christiani verè fidelis & verè devoti ...**

... De Excellentissimis Jesu Christi Dei-Hominis

**Louis François <d'Argentan>**

**Augustæ Vindel. ; Dilingæ, 1723**

**VD18 80217931**

Artic. I. Maxima gloria sancti Joannis Baptistæ est, baptizasse Jesum  
Christum.

**urn:nbn:de:hbz:466:1-45509**

nia, tum aliis, quæ acciderant, contingentiis, aliquam contraxerit deformitatem; ob quam causam Ecclesia mandat vel illas mutare, vel renovare, vel omninò auferre, statuerat mutare illam in aliam ejusdem sancti Joannis; Et quia credebat, in tota vita magni hujus sancti non contineri actionem magis illustrem illâ, quæ conferebat ipsi honorem attollendi manum suam supra caput Jesu Christi, ad ipsum Baptizandum in Jordane, repræsentare ipsum in speciali hoc volebat mysterio, velut in splendidissimo gloriæ suæ triumpho. Sed populus rudis & semper antiquis suis consuetudinibus protervè affixus ac animo persuasus, se non habiturum amplius eundem sanctum Joannem, nisi eandem adhuc haberet imaginem, opponebat se fortiter; Et eòsque devenerat res, ut essent in procinctu intentandæ litis.

Bonis nos avibus illuc transivimus, & impedivimus illam: siquidem duæ partes, videndo

nos esse advenas & extraneos; crediderunt nos proprii commodi nullam habituros rationem, & convenerunt de lite suâ nostro committendâ arbitrio. Oportuit ergò ex fundamento illius cognoscere argumentum. Pastor ex unâ parte, qui erat vir doctus, rerumque gerendarum peritus, ipsemet suam agebat causam: ex altera parte elegerat sibi populus, ad tuenda sua commoda, senem quendam Causidicum, incolam loci, ubi tantum sibi comparaverat existimationis, ut omnes suas causas ipsi velut judici committerent. Disceptabant ambo, unus, pro repræsentando sancto Joanne Baptizante Jesum Christum; alter pro retinendo semper illo velut jejunante in deserto & orante. Attulerunt autem nobis res ad eò pulchras de Baptismo & jejunio Jesu Christi, ut credam vos non parum voluptatis, quin & utilitatis hausuros, dum auribus haurietis illas. Pastor incepit ita.

## ARGUMENTUM.

*Maxima gloria sancti Joannis Baptiste est, Baptizasse Jesum Christum.*

### ARTICULUS I.

Quare exponantur imagines sanctorum.

**N**emo est, qui non fateatur, quod, cum imagines sint memoriæ visibiles sanctorum,

simulacra & effigies, quas Ecclesia nunquam non expositas servat oculis hominum, ut ipso-  
rum

Cur  
finu  
ni n  
Jord

rum obliviscantur nunquam; cum aperti sint libri accumulantes & exornantes laudibus ipsorum sanctitatem, silentio magis ratione quâdam facundo, quàm omnia sint verba; cum monumenta sint gloriæ, quæ suâ promeruerunt virtute, multo melius, quàm statua illa, quas in foris publicis antiquitus erigebant populi illis, quos velut suos venerabantur Heroes; & tandem cum trophæa sint magnifici illius triumphi, quem æternaliter agunt in cælis, post omnes reportatas potentissimâ gratiâ DEI in terris victorias: nemo est, qui non fateatur, quod, si alicujus sancti efformanda sit imago, æquissimum sit effigiare illum in præclarissima, quam in vita sua exhibuit & exantlavit, actione, cum ex hac in ipsum plus venerationis, & in DEum plus refundendum sit honoris & gloriæ: Jam certum est, quod exponere oculis imaginem sancti Joannis in formâ Baptizantis Jesum Christum ad Jordanem, spectaculum sit tam magni quidquam ac magnifici complectens, ut in tota magni hujus sancti vitâ, nihil occurrat illi comparandum.

Cur Baptismus Domini nostri ad Jordanem.

Siquidem quid propriè est Baptismus Jesu Christi, nisi prima, quam suæ dedit Ecclesiæ, nativitas, quâ prodire fecit ip-

sam è sinu aquarum, dum ipse met illas intrare dignatus est; ad recipiendum ibi mysteriosum Baptismum, qui designabat jam illum, quem brevi post instituit, ut sinus esset fecundus, qui totam suam pareret Ecclesiam. Nos non sumus nisi parvuli abortivi fœtus peccati & objecta iræ DEI, dum nascimur è sinu matrum nostrarum, sed omnes evadimus filii DEI, deliciae cordis ipsius, & hæredes regni ejus, dum nascimur è sinu Baptismi. Quid facit ergo Christus Jesus in baptismo suo? Magnam operit & reserat januam suæ Ecclesiæ, ut introducat per eam infinitam multitudinem fidelium, qui per cuncta sæcula replebunt illam. Et dici potest, quod sanctus Joannes ipsi conferens Baptismum, consignaverit manibus ejus clavem illius. An dici quidquam possit magnificentius.

Quid est ulterius Baptismus <sup>Mysterium</sup> Jesu Christi? Est primus gressus, <sup>Baptismi JE-</sup> quem format ad aggrediendum <sup>su Christi.</sup> vitam publicam, cunctisque manifestam. (Nam hucusque vixerat semper absconditus in profunda solitudine.) Erant hæc nuptiæ, quas contraxit cum sponsa sua Ecclesia. (Nam exin non desit reddere ipsam fecundam per generationem & nativitatem plurimorum filiorum) erat hæc magnifica promulgatio  
splen-

splendidissima hujus Legationis, quam accepit à Deo Patre suo: siquidem hanc cœlum manifestavit terræ, dum vox patris intonuit, & palam audita est: *Hic est Filius meus dilectus, in quo mihi complacui.*

Matth. 3.

Tria mysteria  
concurrunt  
eodem die.

Haud factum est absque speciali consilio sapientiæ divinæ, tria magna mysteria vitæ Jesu Christi concurrere eodem die, licet non eodem anno. Ab introitu ipsius in mundum, & decimo tertio die vitæ ipsius mortalis, qui erat sextus dies Januarii, Reges Magi venientes ab Oriente sub directione sideris cœlestis se prosternunt coram ipso, ad ipsum adorandum & offerendum illi munera, aurum, thus & myrrham, & per mystica hæc dona confitentur ipsum ceu Regem Regum, ceu DEUM æternum, ceu hominem mortalem. Ecce tibi ingens mysterium totum plenum ac refertum excellentiis Dei nascentis.

Triginta annis post, eodem die sexto Januarii Jesus Christus accessit sanctum Joannem, qui palam baptizabat populos in Jordane, ipsisque prædicabat poenitentiam voce ardenti, & animatâ prorsus zelo spiritus DEI; Intravit ipsemet in aquas Jordanis, postquam se totum exuisset nudum sicut erat mos Judæis, volens nobis ingenti mysterio demonstrare per uni-

versalem omnium partium corporis sui naturalis Baptismum, quod ita lavare velit suarum gratiarum aquis omnia mystici sui corporis membra, nempe Ecclesiam: Exiit se omnibus vestimentis suis, ut doceret nos, exuendum omninò nobis esse totum veterem hominem. Et venerabilis Beda affirmat, eodem loco, ubi deposita erant vestimenta nostri Salvatoris penes Jordanem, postea ædificatam esse Ecclesiam magnificam & celebre Monasterium in honorem sancti Joannis Baptistæ.

In magnifica hac ceremonia Baptismi Jesu Christi, qui, cum hucusque habitus non fuerit nisi pro filio Joseph, agnitus exin palam declaratus fuit tanquam filius unicus Patris æterni. In hac se cœlum aperuit, & Omnipotentis vox ab alto resonuit, & Spiritus Sanctus totus visibiliter sub formâ columbæ descendit ac sedit super caput ejus, approbans & confirmans per oculos id, quod audierant per aures, & quasi designans, quis è duobus, vel Jesus, vel Joannes Baptista intelligi debeat, de quo enuntiet cœlum: *Hic est Filius meus dilectus.* Denique in hac omnes edocti sunt mortales, quod Jesus Christus esse deinceps debeat unicum dilectionis suæ objectum, cum & dilectionis objectum sit Patri suo æterno;

De locis sanctis cap. 17.

Jesu Christi fuit palam declaratus Filius DEI in Baptismo suo

Matth. 3. v. 17.

no; quod sicut hic suam in ipso habuit complacentiam, sic & ipsi omnem suam complacentiam debeant in illo collocare. Ecce tibi adhuc ingens Mysterium, æquè prodigiis ac excellentiis Salvatoris nostri dives ac primum.

Conversio aquæ in vinum contigit eodem die Baptismi, anno sequenti.

Anno post, qui dedit initium anno trigésimo secundo vitæ ipsius humanæ; eodem sexto die Januarii invitatus fuit ad nuptias Canæ Galilææ, ubi miraculorum suorum patravit primum ad preces sanctissimæ Matris suæ, convertens aquam in vinum. Circa quod sanctus Epiphanius observat rem admirabilem, quod adhuc suo tempore singulis annis renovatum fuerit hoc miraculum ad confirmandam fidem fidelium & confusionem incredulorum, quodque in pluribus locis aqua fluviorum & fontium facta fuerit vinum optimum, eodem die & eadem horâ, quâ Jesus Christus omnipotens hoc enuntiavit verbum super aquæ hydrias: *Haurite nunc & ferre Archirielino.* Expresse dicit, quod aqua alicujus fontis, quem vocabant *Cybes*, in civitate Carîæ, mutata fuerit in vinum notæ excellentis, & ipsemet biberit ex eo; quod insuper fratres sui biberint ex alio vino, hausto ex altero fonte Arabiæ, quem appellabant *Gerasa*, existente in templo quodam sanctis Marty-

Miraculum hoc singulis annis renovatum,

Joan. 2. v. 8.

ribus dedicato; quodque plures alii attestati sibi fuerint, se invenisse aquam Nili eodem die mutatam in vinum. *Nos bibimus de S. Epiphani. Cybes fonte fratres verò nostri de eo, hæret. 51. qui est in Gerasa, in Martyrum templo; sed & multi de Nilo hoc testantur.* Ecce ergo tibi tertium Mysterium, quod duobus aliis eodem die patratis conjunctum, non minus addit splendoris gloriæ & excellentiis Christi Jesu, quam priora.

Jam quando intueor imaginem sancti Joannis Baptistæ Filium DEI in Jordane, totus hic prodigiorum cumulus occurrit menti meæ, cælum apertum, vox Patris, Spiritus Sanctus, qui visibiliter apparuit: Ecce tibi illum, quem cælum jamjam per accensum nuntiaverat sidus, & à Regibus fecerat adorari. Quando aspicio hanc aquam honoratam & sanctificatam contactu adorandi ipsius corporis: Ecce tibi illum, qui convertit aquam in vinum, primum suum elemento aquæ consecrans & dedicans miraculum, velut benè auspiciatum præfagium innumere multitudinis miraculorum, quæ incessanter operatur pro salute nostra in aquis nostri Baptismi & in lachrymis pœnitentiæ. Et videns, quod sanctus Joannes Baptista sit velut Magister cæremoniarum, dirigens speciosam hanc functionem, vel

Quam gloriosum sit S. Joanni, si presentetur Baptistæ Jesu Christi.

ccc velut

velut Pontifex solemniter sacris operans in magno hoc Festo, auctus honore suam attollendi manum usque ad caput proprii Filii DEI: quæro, an quidquam magis splendidum, magisque gloriosum in totâ ipsius vitâ occurrat aspiciendum. Qui Baptizat aliquem infantem, creditur ratione quâdam esse ipsius Pater; & sanctus Joannes Baptista Baptizans Filium Unigenitum Patris æterni, nonne videtur quandam habere umbram paternitatis Divini hujus Patris?

Baptismus Christi est naufragium figurarum veteris Testamenti.

Quid est denique Baptismus Salvatoris nostri? Est naufragium figurarum veteris Testamenti, quæ tumulantur sub aquis Jordanis, & nativitas veritatum sancti Evangelii, quæ prodeunt ex eo: Baptismus enim sancti Joannis, qui omnium est meta figurarum, cedit locum veritati Baptismi Christiani, qui Sacramentorum nostrorum est primum, cujus ipsa jam apparere videbat, si non institutionem & præsentiam, saltem promissionem & primam auroram. Ipse est finis Testamenti veteris & initium novi, quorum cum representatur per sanctum Joannem, & alterum per Jesum Christum: Ambo conveniunt in iisdem aquis, ad submergendum ibi unum, & extrahendum inde alterum. Hic adimpletum est ingens hoc & magni-

ficum Vaticinium Vatis coronati: *Vox Domini super aquas; Deus Psalm. 29, Majestatis intonuit, Dominus super aquas multas. Vox Domini super aquas.* Hic est sanctus Joannes Baptista, qui vocatur vox verbi, quique præsidet aquis Jordanis. *Deus Majestatis intonuit: Est vox Patris æterni, quæ audita est ab omnibus, declarans Baptizatum esse Filium suum Unicum.* *Dominus super aquas multas; Eoquod omnes aquæ elementares indiscriminatum, fontium, fluviorum, maris (non autem aquæ artificiales) postquam inservierunt Baptismo Jesu Christi in Jordane, divinam obtinent virtutem, quæ reddantur fecundæ ad producendum gratiam sanctificantem in animabus, quando junguntur verbis exprimentibus adorandas tres personas, quæ apparuerunt in augustissima functione Baptismi Salvatoris nostri, Pater, Filius, & Spiritus Sanctus: Pater in cælo, Filius in Jordane, Spiritus Sanctus inter ambos. Et sanctus Joannes Baptista associatus gloriæ magnæ hujus functionis, in qua manum suam supra caput Verbæ æterni attollens, & aquam supra corpus ipsius affundens demoliri videtur omnes figuras veritatis. An quidquam gloriosius sit pro hoc præcursore Messiæ?*

Hic Ecclesiasticus videns, exitum hunc Pastorem habere intel-

Vox Domini  
super aquas.

Bap  
Jo  
tol  
cat  
nal

tellectum imbutum pulchris ipsi ansam explanandi nobis ad-  
cognitionibus circa Baptismum huc pulchrioras, sequentes ipse  
Salvatoris nostri, ut præberet proposuit quæstiones.

ARGUMENTUM.

Cur & quomodo Jesus Christus Baptizari voluerit.

ARTICULUS. II.

Baptismus S. Joannis non tollebat peccatum originale.

QUid opus erat Jesum Christum recepisse Baptismum? Dicere, hoc fuisse, ut liberaretur à peccato originali, foret blasphemia; siquidem, cum personaliter sit DEUS, capax non erat peccati vel minimi; & quando infans noxæ originalis reus, etiam præsentatus fuisset Baptismo sancti Joannis, non fuisset ab illa liberatus, cum ille non fuerit Sacramentum novæ legis, quod gratiam confert ex se ipso, sed simplex figura legis antiquæ, quæ non nisi gratiam promittebat. Dicere, quod debuerit ipsum baptizare, ut imponeret ipsi nomen, jam acceperat ad orandum nomen Jesu, è cælo allatum ipsi ab Angelo, & impositum à sancto Josepho, tempore circumcisionis suæ. Dicere, Baptismum ipsi fuisse necessarium, ut admitteretur in numerum fidelium per impressionem sacri characteris, quem recipimus in Baptismo, quique distinguit nos ab iis, qui non sunt filii DEI; erat ipse unicus Filius DEI ex natura sua, erat natus totius Eccle-

siæ caput, erat unctus Domini à propriâ suâ divinitate; adhæc Baptismus Joannis non imprimebat characterem, sicut Baptismus Christianorum. Dicere tandem, illum venisse illuc, sicut ut excigaretur ad pœnitentiam visibili hæc cæremoniâ, & vehementi sancti Joannis exhortatione, novimus ipsum nullâ indignisse pœnitentiâ pro seipso, eò quòd ipsa extiterit innocentia, & ipsa per essentiam sanctitas. Verum quidem est, ipsum magnas exantlare voluisse pœnitentias pro nostrorum expiatione criminum; sed huc ferebatur ex impulsu divinæ charitatis suæ, quæ tam succensa erat, ut omnes ardor, qui adurere potest corda omnium tum Angelorum, tum hominum, in comparatione cum zelo suo, non nisi gelu sit & glacies. Cur igitur recipere voluit hunc Baptismum è manu præcursoris sui.

Non erat necessarius Christo.

Sex pulchræ rationes, ob quas Jesus Christus recipere voluit Baptismum Joannis.

Id fecit ex pluribus ponderosis & pulchris rationibus. 1. Prima,

Ccc 2

quia